

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2015 ԹՎԱԿԱՆԻ ՄԱՐՏԻ 5-Ի N 219-Ն ՈՐՈՇՄԱՆ ՄԵՋ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ
ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ 2022 ԹՎԱԿԱՆԻ ՓԵՏՐՎԱՐԻ 10-Ի
N 155-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ
ՄԱՍԻՆ**

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

թվականի N -Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2015 ԹՎԱԿԱՆԻ ՄԱՐՏԻ 5-Ի
N 219-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆ ԿԱՏԱՐԵԼՈՒ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2022 ԹՎԱԿԱՆԻ ՓԵՏՐՎԱՐԻ 10-Ի N 155-Ն
ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հիմք ընդունելով «Նորմատիվ իրավական ակտերի մասին» օրենքի 33-րդ,
34-րդ և 37-րդ հոդվածները՝ Հայաստանի Հանրապետության
կառավարությունը որոշում է.

1. Հայաստանի Հանրապետության կառավարության 2015 թվականի
մարտի 5-ի «Ծխախոտի անվտանգության տեխնիկական
կանոնակարգը հաստատելու և Հայաստանի Հանրապետության
կառավարության 2005 թվականի ապրիլի 28-ի N 540-Ն որոշումն ուժը
կորցրած ճանաչելու մասին» N 219-Ն որոշմամբ հաստատված
հավելվածը շարադրել նոր խմբագրությամբ՝ համաձայն հավելվածի:
2. Ուժը կորցրած ճանաչել Հայաստանի Հանրապետության
կառավարության 2022 թվականի փետրվարի 10-ի «Ծխախոտային
արտադրատեսակների փոխարինիչների անվտանգության

- տեխնիկական կանոնակարգը հաստատելու մասին» N 155-Ն որոշումը:
3. «Ստանդարտացման և չափագիտության ազգային մարմին» փակ բաժնետիրական ընկերությանը՝ սույն որոշման պաշտոնական հրապարակմանը հաջորդող օրվանից եռամսյա ժամկետում ապահովել սույն որոշման հավելվածով հաստատված տեխնիկական կանոնակարգի կիրարկումն ապահովող ստանդարտների հրապարակումը:
 4. Սույն որոշումն ուժի մեջ է մտնում պաշտոնական հրապարակման օրվան հաջորդող 180-րդ օրը:

Հավելված

ՀՀ կառավարության

թվականի N -Ն որոշման

«Հավելված

ՀՀ կառավարության 2015 թվականի

մարտի 5-ի N 219-Ն որոշման

Տ Ե Խ Ն Ի Կ Ա Կ Ա Ն Կ Ա Ն Ո Ն Ա Կ Ա Ր Գ

ՆԻԿՈՏԻՆ ՊԱՐՈՒՆԱԿՈՂ ԵՎ ԶՊԱՐՈՒՆԱԿՈՂ ԱՐՏԱԴՐԱՆՔԻ

(ՆԵՐԱՌՅԱԼ՝ ՏԱՔԱՑՎՈՂ ԾԽԱԽՈՏԱՅԻՆ ԱՐՏԱԴՐԱՏԵՍԱԿՆԵՐԻ ԵՎ ԴՐԱՆՑ ՓՈԽԱՐԻՆԻՉՆԵՐԻ)

1. ԿԻՐԱՌՄԱՆ ՈԼՈՐՏԸ

1. Նիկոտին պարունակող և չպարունակող արտադրանքի (ներառյալ՝ տաքացվող ծխախոտային արտադրատեսակների և դրանց փոխարինիչների) տեխնիկական կանոնակարգի (այսուհետ՝

տեխնիկական կանոնակարգ) գործողությունը տարածվում է արտաքին տնտեսական գործունեության ապրանքային անվանացանկի 2404 11 000, 2404 12 000 0, 2404 19 000, 2404 91 000 ծածկագրերի ներքո դասվող արտադրանքի վրա:

2. Սույն տեխնիկական կանոնակարգը մշակված է մարդու կյանքն ու առողջությունը, շրջակա միջավայրը պաշտպանելու, ինչպես նաև նիկոտին պարունակող և չպարունակող արտադրանքի նշանակության ու անվտանգության առումով սպառողներին մոլորության մեջ գցող գործողությունները կանխելու նպատակով և տարածվում է Հայաստանի Հանրապետության տարածքում շրջանառության մեջ դրվող նիկոտին պարունակող արտադրանքի (այսուհետ՝ ՆՊԱ) և նիկոտին չպարունակող արտադրանքի (այսուհետ՝ ՆԶՊԱ) վրա:

3. Սույն տեխնիկական կանոնակարգով սահմանվում են ՆՊԱ-ի և ՆԶՊԱ-ի անվտանգությունը բնութագրող ցուցանիշները, դրանց նույնականացմանը, արտադրմանը, մակնշմանը, փաթեթավորմանը, պահպանմանը և փոխադրմանը, ինչպես նաև համապատասխանության գնահատման ընթացակարգերին ներկայացվող պահանջները:

4. Սույն տեխնիկական կանոնակարգի գործողությունը չի տարածվում հետևյալ արտադրանքի վրա՝

1) ծխախոտահումքից՝ ծխախոտային տերևից կամ դրա այլ մասերից ամբողջությամբ կամ մասնակիորեն պատրաստված ծխախոտային արտադրատեսակներ հանդիսացող արտադրանք, որը պատրաստված է այնպես, որ օգտագործվի ծխելու, ծծելու, ծամելու կամ քթով ներշնչելու համար.

2) դեղ հանդիսացող արտադրանք.

3) արտաքին առևտրային պայմանագրերի համաձայն Հայաստանի Հանրապետության տարածքի սահմաններից դուրս արտահանվող արտադրանք.

4) բնական նիկոտին պարունակող պարենային արտադրանք.

5) սույն կանոնակարգի օբյեկտ հանդիսացող արտադրանքի օգտագործման համար նախատեսված սարքեր և համակարգեր:

5. Սույն տեխնիկական կանոնակարգի 1-ին կետում ներկայացված արտադրանքը ենթակա է համապատասխանության գնահատման՝ համապատասխանության հայտարարագրմամբ:

2. ՀԱՍԿԱՑՈՒԹՅՈՒՆՆԵՐ

6. Սույն տեխնիկական կանոնակարգում կիրառվում են հետևյալ

հասկացությունները՝ դրանց համապատասխան սահմանումներով.

1) **աերոզոլ՝** գազային վիճակում գտնվող պինդ կամ հեղուկ մասնիկների կախույթ՝ ներառյալ ծխախոտային գոլորշի, որը ստացվում է ՆՊԱ-ի կամ ՆՉՊԱ-ի ըստ նշանակության օգտագործման արդյունքում՝ բացառությամբ այրման (ծխալու) եղանակը.

2) **բաղադրիչ՝** բաղադրատարր (բացառությամբ՝ ծխախոտային տերևից կամ դրա այլ մասերից, նիկոտինից կամ դրա արտադրյալներից, ներառյալ՝ նիկոտինային աղեր), որն օգտագործվում է արտադրանքի արտադրության մեջ և առկա է պատրաստի արտադրանքում՝ ներառյալ փոփոխված ձևով.

3) **լցանյութ՝** ՆՊԱ-ի և ՆՉՊԱ-ի հիմնական տարր (ներառյալ՝ ծխախոտային տերևից և դրա մասերից խառնուրդ, ծխախոտային տերև և դրա մասեր չպարունակող խառնուրդ, հեղուկ խառնուրդ՝ հեղուկի կամ գելի ձևով).

4) **նիկոտին մատակարարող համակարգ (այսուհետ՝ ՆՄՀ)՝** ՆՊԱ-ի և ՆՉՊԱ-ի օգտագործման համար անհրաժեշտ սարք (ներառյալ՝ տաքացման աղբյուր, քարթիջ, լար կամ լիցքավորման սարք)՝ լցանյութից սպառողի կողմից ներքաշվող աերոզոլ (առանց այրման) ստանալու համար և այդ համակարգն իր կառուցվածքով կարող է լինել մեկանգամյա օգտագործման (արդյունաբերական ձևով ներկառուցված լցանյութով՝ առանց սպառողի կողմից ինքնուրույն լիցքավորման հնարավորության), համադրված (ինչպես հեղուկով, այնպես էլ ծխախոտային կամ ոչ ծխախոտային խառնուրդով լցանյութ պարունակող), բաց (բազմակի օգտագործման, որն ունի լցանյութով լրացնելու համար տարողություն) կամ փակ (բազմակի օգտագործման, որը նախատեսված է արդյունաբերական ձևով լրացված քարթիջի (պատիճների) կամ սթիքերի հետ օգտագործելու համար) տիպի.

5) **ՆՄՀ-ի հեղուկ՝** ՆՊԱ-ի և ՆՉՊԱ արտադրանք, որի հեղուկ կամ գելի ձևով լցանյութը արդյունաբերական եղանակով տեղադրված է ՆՄՀ-ի լիցքավորման համար տարողության կամ քարթիջի կամ անմիջապես մեկանգամյա օգտագործման ՆՄՀ-ի մեջ, և որը ՆՄՀ-ի հետ ըստ նշանակության օգտագործման արդյունքում վերածվում է սպառողի կողմից ներքաշվող աերոզոլի.

6) **ներդիր թերթիկ՝** սպառողի համար նախատեսված տեղեկություն պարունակող թերթիկ, որն օգտագործվում է այնպիսի սպառողական փաթեթվածքով ՆՊԱ-ի և ՆՉՊԱ-ի իրացման ժամանակ, որի վրա հնարավոր չէ գետեղել սպառողի համար նախատեսված տեղեկություն.

7) **նիկոտին՝** ալկալոիդ, որը պարունակվում է Nicotiana ցեղի ՝ Nicotiana Tabacum և Nicotiana Rustica տեսակների բույսերում.

8) **ՆՊԱ՝** լցանյութում 0,1 մգ/սմ³ կամ ավելի (հեղուկ կամ գելի ձևով օգտագործվող արտադրանքի համար) և 0,01% և ավելի (ծխախոտի տերև չպարունակող խառնուրդներով օգտագործվող արտադրանքի համար) նիկոտինի պարունակությամբ արտադրանք կամ տաքացվող ծխախոտ (բացառելով այրումը) կամ օրալ օգտագործման արտադրանք (բացառությամբ սննդամթերքի, ծխախոտի, դեղամիջոցների), որոնք նախատեսված են

սպառման համար՝ նիկոտինը մարդու օրգանիզմ հասցնելու նպատակով.

9) **ՆՉՊԱ՝** լցանյութում նիկոտին չպարունակող կամ 0,1 մգ/սմ³-ից պակաս (հեղուկ կամ գելի ձևով օգտագործվող արտադրանքի համար) և 0,01%-ից պակաս (ծխախոտի տերև չպարունակող խառնուրդներով օգտագործվող արտադրանքի համար) նիկոտինի պարունակությամբ արտադրատեսակ՝ բացառությամբ դեղամիջոցների, որը նախատեսված է ուղիղ կամ անուղղակի տաքացման (առանց այրման) արդյունքում առաջացած աերոզոլը ներքաշելու միջոցով օգտագործելու համար.

10) **ՆՄԱ-ի կամ ՆՉՊԱ-ի անվանում՝** համապատասխանաբար ՆՄԱ-ի կամ ՆՉՊԱ-ի՝ արտադրողի կողմից տրված նշագրումը.

11) **ՆՄԱ-ի կամ ՆՉՊԱ-ի մակնիշ՝** որոշակի սպառողական հատկություններ ունեցող արտադրանքի անվանում, որով նույնականացվում է տվյալ արտադրանքի յուրաքանչյուր առանձին տեսակը.

12) **ՆՄԱ-ի կամ ՆՉՊԱ-ի վնասակարության մասին նախազգուշացում՝** մարդու առողջության համար ՆՄԱ-ի կամ ՆՉՊԱ-ի օգտագործման, առողջությանը հասցվող վնասի վերաբերյալ տեղեկություն, որը գետեղվում է այդ արտադրանքի սպառողական փաթեթվածքի վրա՝ գունավոր նկարների կամ լուսապատկերների տեսքով՝ ներառելով տեքստը.

13) **սպառողական փաթեթվածք՝** վերջնական սպառողին իրացվող ՆՊԱ-ի կամ ՆՉՊԱ-ի (ներառյալ՝ ՆՄՀ-ի լիցքավորման համար տարողության, ինչպես նաև քարթիջների, սթիքների և մեկանգամյա օգտագործման ՆՄՀ-ի) համար նախատեսված փաթեթվածք.

14) **տարողություն հեղուկ լցանյութով լրացնելու համար (այսուհետ՝ տարողություն)՝** բաց տիպի ՆՄՀ-ի լրացման համար նիկոտին պարունակող և չպարունակող հեղուկների սպառողական փաթեթվածքի տեսակ.

15) **տաքացվող ծխախոտային արտադրատեսակ՝** սպառողական փաթեթվածքի մեջ փաթեթավորված առանձին բաժնեմասերի բաժանված՝ նիկոտին պարունակող և բաղադրիչների ավելացմամբ կամ առանց դրանց ավելացման արդյունաբերական մշակում անցած ծխախոտային լցանյութ հանդիսացող խառնուրդ, որն արդյունաբերական եղանակով տեղադրված է քարթիջի կամ սթիքի մեջ և այն օգտագործվում է ՆՄՀ-ի միջոցով՝ ուղիղ կամ անուղղակի տաքացման եղանակով (առանց այրման) ստացվող աերոզոլը սպառողի կողմից ներքաշելու նպատակով:

16) **տաքացվող ծխախոտային արտադրատեսակների փոխարինիչ՝** սպառողական փաթեթվածքի մեջ փաթեթավորված առանձին բաժնեմասերի բաժանված՝ նիկոտին պարունակող կամ չպարունակող, ծխախոտային տերև կամ դրա մասեր չպարունակող և անմիջապես սպառողի կողմից բաց տիպի ՆՄՀ-ի լրացման համար որպես լցանյութ հանդիսացող խառնուրդ, որը նաև արդյունաբերական եղանակով տեղադրված է քարթիջի կամ սթիքի մեջ և այն օգտագործվում է ՆՄՀ-ի միջոցով՝ տաքացման եղանակով ստացվող աերոզոլը սպառողի կողմից ներքաշելու նպատակով.

17) **քարթրիջ**՝ բազմակի օգտագործման փակ տիպի ՆՄՀ-ի բաղադրատարր, որն արդյունաբերական եղանակով լրացվում է ՆՊԱ-ով և ՆՉՊԱ-ով և այն օգտագործվում է ՆՄՀ-ի հետ համատեղ.

18) **օրալ օգտագործման արտադրանք**՝ նիկոտին պարունակող արտադրանքի տեսակ (նիկոտինի 0,01% և ավելի պարունակությամբ), որի լցանյութը ծխախոտի տերև կամ դրա մասեր չպարունակող արդյունաբերական ձևով ձևավորված առանձին մասերի տեսքով խառնուրդ է և այն նախատեսված է օրալ (ծամելու, ծծելու, բերանի մեջ թշի ներքնում կամ լեզվի տակ դնելու) ձևով (բացառությամբ՝ որպես սնունդ) օգտագործման համար:

3. ՆՊԱ-Ի ԵՎ ՆՉՊԱ ՆՈՒՅՆԱԿԱՆԱՑՄԱՆ ԳՈՐԾԸՆԹԱՅԸ

7. Սույն տեխնիկական կանոնակարգի կիրառման ոլորտին դասելու նպատակով սույն տեխնիկական կանոնակարգի օբյեկտ հանդիսացող արտադրանքի նույնականացումն իրականացնում են մատակարարը (արտադրողը (արտադրողի կողմից լիազորված անձը), ներմուծողը (վաճառողը), մաքսային մարմինը՝ մաքսային օրենսդրությամբ սահմանված պահանջների շրջանակում, սույն տեխնիկական կանոնակարգի պահանջների պահպանման նկատմամբ պետական վերահսկողություն իրականացնող տեսչական մարմինը, համապատասխանության գնահատման մարմինը և Հայաստանի Հանրապետության օրենսդրությամբ նախատեսված շահագրգիռ այլ մարմիններ:

8. Սույն տեխնիկական կանոնակարգի օբյեկտ հանդիսացող արտադրանքի նույնականացումը կատարվում է մի քանի եղանակով.1) տեսողական՝ գնման եղանակով.ա. ըստ սպառողի համար սպառողական փաթեթվածքի վրա նշված տեղեկատվության՝ համեմատելով սպառողական փաթեթվածքի վրա նշված արտադրատեսակը սույն տեխնիկական կանոնակարգում նշված արտադրատեսակների հասկացությունների հետ.բ. ըստ նիկոտինի առկայության մասին տեղեկատվության առկայության՝ ստուգելով սպառողական փաթեթվածքի վրա նիկոտինի առկայության մասին տեղեկատվության առկայությունը (ՆՊԱ համար).գ. ըստ կիրառման եղանակի՝ ստուգելով սպառողական փաթեթվածքի կամ ներդիր թերթիկի վրա այն ՆՄՀ-ի (տեսակը, մակնիշը, մոդելը) մասին նշման առկայությունը, որի հետ պետք է օգտագործվի սույն տեխնիկական կանոնակարգի օբյեկտ հանդիսացող արտադրանքը.

2) գործիքային եղանակով.

ա. ըստ լցանյութում նիկոտինի առկայության (ՆՊԱ-ի համար).բ. սույն տեխնիկական կանոնակարգի օբյեկտ հանդիսացող արտադրանքի օգտագործման ընթացքում այրման բացակայության, որը որոշվում է 100 սմ³ անրոզվում ածխածնի օքսիդի (CO), ազոտի օքսիդի (NO) և ազոտի օքսիդների (NOx) պարունակությունը չափելով: Այս նյութերի պարունակությունը չպետք է

գերազանցեն 100 սմ³ աերոզոլում սահմանային արժեքները ածխածնի օքսիդի (CO) համար 0.3 մգ/100 սմ³, ազոտի օքսիդի (NO) համար 4.0 մգ/100 սմ³ և ազոտի օքսիդների (NOx) համար 5.0 մգ/100 սմ³:

9. Տեսողական՝ գնման եղանակով նույնականացումը կատարելու անհնարինության դեպքում սույն տեխնիկական կանոնակարգի օբյեկտ հանդիսացող արտադրանքի նույնականացումը կարող է կատարվել նաև գործիքային եղանակով՝ հավատարմագրված և նշանակված համապատասխանության գնահատման մարմնում սույն տեխնիկական կանոնակարգի 10-րդ գլխում նշված ստանդարտների ցանկում ներառված մեթոդներով:
10. Նույնականացման արդյունք է համարվում նույնականացվող արտադրանքը սույն տեխնիկական կանոնակարգի օբյեկտ հանդիսացող արտադրանքի շարքին դասելը կամ չդասելը:

4. ՇՐՋԱՆԱՌՈՒԹՅԱՆ ԴՈՒՐՍ ԲԵՐՄԱՆ ԿԱՆՈՆՆԵՐԸ

11. Հայաստանի Հանրապետության տարածքում շրջանառության մեջ դրվող ՆՊԱ-ը և ՆՉՊԱ-ը պետք է համապատասխանի սույն տեխնիկական կանոնակարգով սահմանված պահանջներին, ինչպես նաև այն տեխնիկական կանոնակարգերով սահմանված պահանջներին, որոնց գործողությունը տարածվում է դրա վրա: Այն պետք է ուղեկցվի համապատասխանության հայտարարագրով, հայերեն մակնշմամբ և համապատասխանության ազգային նշանով:
12. Հայաստանի Հանրապետություն կարող է ներմուծվել, իրացվել և Հայաստանի Հանրապետության տարածքում իրացման նպատակով արտադրվել սույն տեխնիկական կանոնակարգին համապատասխանող ՆՊԱ և ՆՉՊԱ:
13. Արտաքին առևտրային պայմանագրերի համաձայն Հայաստանի Հանրապետության տարածքի սահմաններից դուրս արտահանելու նպատակով արտադրվող ՆՊԱ-ները և ՆՉՊԱ-ները կարող են արտադրվել արտահանման երկրի օրենսդրության պահանջներին համապատասխան:

5. ՆՊԱ-ԻՆ ԵՎ ՆՉՊԱ-ԻՆ ՆԵՐԿԱՅԱՑՎՈՂ ԱՆՎՏԱՆԳՈՒԹՅԱՆ ՊԱՀԱՆՋՆԵՐԸ

14. ՆՊԱ-ի և ՆՉՊԱ արտադրության ժամանակ արգելվում է կիրառել հետևյալ բաղադրիչները.

1) Նյութեր՝

ա. ազարինաթթու (Acidum agaricinicum),

բ. կեչու ձյութայուղ (Oleum Betulaeempyreumaticum),

գ. դառը նուշի յուղ (Oleum Amygdalarumamarum)՝ ազատ կամ կապված սինիլաթթվի պարունակությամբ,

դ. սասաֆրասի յուղ (Oleum Sassafratis),

ե. գիհու ձյութայուղ (Oleum Juniperi Empyreumaticum),

զ. կամֆորայի յուղ (Oleum Camphoratum),

է. կամֆորա,

ը. կումարին,

թ. կանճրակ,

ժ. կենսածառ՝ թույա,

ժա. սաֆլոր,

ժբ. թուխոն.

ժգ. վիտամին E- ացետատ,

ժդ. դիացետիլ,

ժե. դիէտիլէնգլիկոլ,

ժզ. էտիլէնգլիկոլ

ժէ. այլ նյութեր, որոնց շրջանառությունն արգելված է՝ Հայաստանի Հանրապետության օրենսդրությամբ կամ միջազգային պայմանագրերով.

2) բուրավետիչ և համային նյութեր, որոնք պատրաստված են՝

ա. դառը և քաղցր համով մորմի փայտե ցողունից (Stipites Dulcamarae), կամֆորայի ծառի փայտից (Lignum Camphorae),

բ. բազմոտիկ սովորական կոճղարմատից (Rhizoma Poiypodii),

գ. ճահճային դաղձի տերևներից (Herba Pulegii),

դ. կվասսիայի փայտից (Lignum Quassiae),

ե. օճառածառի կեղևից (Cortex Quillaja),

զ. տարկավանի խոտերից (Herba Tanacetii),

է. սատապի խոտերից (Herba Rutaee),

ը. սասաֆրասի ցողուններից, տերևներից, կեղևից (Stipes, Folium, Cortex Sassafratis),

թ. դեղատու իշառվույտից (Millilotus offi cinalis),

ժ. տոնկա հատիկներից (Semen Toncae),

ժա. հոտավետ լիատրիսից (Liatris odoratissima),

ժբ. գետնաստղից (Asperulaodorata):

15. ՆՊԱ-ի և ՆՉՊԱ-ի ՆՄՀ-ի հետ շահագործման ընթացքում առաջացող աերոգոլում արտազատվող ցանկացած նյութերի արժեքները պետք է համապատասխանեն սույն տեխնիկական կանոնակարգի 10-րդ գլխում նշված ստանդարտներով սահմանված պահանջներին: 16. ՆՄՀ-ի հեղուկում Նիկոտինի զանգվածի առավելագույն պարունակությունը չպետք է գերազանցի 20 մգ/սմ³-ը:

17. Նիկոտինի զանգվածային բաժինը օրալ օգտագործման արտադրանքի մեջ չպետք է գերազանցի 3,5% կամ 35 մգ/գ, բայց ոչ ավելի, քան 11 մգ մեկ ապրանքի համար:
18. Նիկոտինի զանգվածային բաժինը ծխախոտային խառնուրդում, Նիկոտին պարունակող ոչ ծխախոտային խառնուրդում չպետք է գերազանցի 3,5% կամ 35 մգ/գ:
19. Միավոր քարթիջում ՆՄՀ-ի հեղուկի ծավալը չի կարող գերազանցել 2 սմ³-ը:
20. ՆՄՀ-ի լիցքավորման համար տարողությունում հեղուկի ծավալը չպետք է գերազանցի 30 սմ³-ը:
21. Մեկանգամյա օգտագործման ՆՄՀ-ում հեղուկ խառնուրդի ծավալը չպետք է գերազանցի 10 սմ³-ը:

6. ՏԵԽՆԻԿԱԿԱՆ ԿԱՆՈՆԱԿԱՐԳԻ ՊԱՀԱՆՋՆԵՐԻՆ ՆՊԱ-Ի ԵՎ ՆՉՊԱ ՀԱՄԱՊԱՏԱՍԽԱՆՈՒԹՅԱՆ ԱՊԱՀՈՎՈՒՄԸ

22. ՆՊԱ-ների և ՆՉՊԱ համապատասխանությունը սույն տեխնիկական կանոնակարգով սահմանված պահանջներին ապահովվում է սույն տեխնիկական կանոնակարգի 10-րդ գլխում նշված ստանդարտներով և Հայաստանի Հանրապետության տարածքում գործող օրենսդրությամբ սահմանված պահանջներով:

7. ՄԱԿՆՇՄԱՆԸ ԵՎ ՓԱԹԵԹՎԱԾՔԻՆ ՆԵՐԿԱՅԱՑՎՈՂ ՊԱՀԱՆՋՆԵՐԸ

8. ՆՊԱ-ի և ՆՉՊԱ փաթեթվածքը պետք է համապատասխանի Հայաստանի Հանրապետության օրենսդրությանը և միջազգային պայմանագրերին, ինչպես նաև սույն գլխով սահմանված

պահանջներին:

9. Արտադրողը պետք է ապահովի երեխաների կողմից լիցքավորման համար տարողությունների բացման անհնարինությունը՝ համաձայն ԳՕՍՏ ԻՍՕ 8317 միջպետական ստանդարտի պահանջների:
10. Լիցքավորման համար տարողությունը պետք է բացառի հեղուկ խառնուրդի արտահոսքը:
11. Արտադրանքի սպառողական փաթեթվածքի վրա պետք է զետեղվի հետևյալ տեղեկությունը.

1) ՆՊԱ-ի կամ ՆՉՊԱ-ի տեսակը.

2) ՆՊԱ-ի կամ ՆՉՊԱ-ի անվանումը.

3) Հայաստանի Հանրապետությունում գրանցված իրավաբանական անձի անվանումը, որն արտադրողի կողմից լիազորված է սպառողների բողոքներն ընդունելու, վերջինիս գտնվելու վայրը (երկիրը և հասցեն, ներառյալ փաստացի, հեռախոսահամարը և էլեկտրոնային փոստի հասցեն): Նման կազմակերպության բացակայության դեպքում նշվում է, որ սպառողների բողոքներ ընդունվում են Հայաստանի Հանրապետությունում գրանցված տվյալ ծխախոտային արտադրանքի արտադրողի կողմից: Նշված տեղեկությունը կարող է տեղադրվել սպառողական փաթեթվածքի արտաքին կամ ներքին կողմում՝ կարդալու համար հասանելի մասում: Տեղեկության փոփոխման դեպքում արտադրողը պարտավոր է նման փոփոխությունների օրվանից 180 օրացուցային օրվա ընթացքում համապատասխան փոփոխություններ կատարել արտադրանքի սպառողական փաթեթվածքի (ներդիր թերթիկի) վրա.

4) արտադրողի անվանումը, գտնվելու վայրը (երկիրը և հասցեն, այդ թվում՝ փաստացի, հեռախոսահամարը և էլեկտրոնային փոստի հասցեն): Տեղեկության փոփոխության դեպքում արտադրողը, արտադրողի կողմից լիազորված անձը կամ ներմուծողը պարտավոր է այդ փոփոխությունների օրվանից 180 օրացուցային օրվա ընթացքում համապատասխան փոփոխություններ կատարել ծխախոտային արտադրանքի սպառողական փաթեթվածքի (ներդիր թերթիկի) վրա.

5) տեղեկություն ՆՄՀ-ի հեղուկների խառնուրդի ծավալի մասին (միլիլիտրերով), տաքացվող ծխախոտային խառնուրդի քաշի, ծխախոտ չպարունակող խառնուրդի քաշի, ծխախոտի տերև կամ դրա մասեր չպարունակող լցանյութ հանդիսացող արտադրանքի քաշի մասին (գրամներով), սպառողական փաթեթվածքում օրալ օգտագործման արտադրանքի քաշի մասին (գրամներով): Թույլատրվում է փաստացի ծավալի կամ քաշի շեղում ավել կամ պակաս սպառողական փաթեթվածքի վրա նշված ծավալից կամ քաշից ոչ ավելի, քան 10%-ի չափով.

6) տեղեկություն նիկոտինի պարունակության մասին (միլիգրամներով մեկ միլիլիտրում՝ հեղուկ խառնուրդների համար, միլիգրամներով մեկ գրամում՝ ծխախոտային և ծխախոտ չպարունակող խառնուրդների համար) լցանյութում (բացառությամբ օրալ օգտագործման արտադրանքի համար) և օրալ օգտագործման (մեկ միավոր արտադրանքում՝ միլիգրամներով) արտադրանքի համար.

7) տեղեկությունն սպառողների համար այն մասին, որ տվյալ արտադրանքը պետք է օգտագործել միայն ՆՄՀ-ի հետ (անվանումը կամ ապրանքային նշանը և ՆՄՀ-ի նշանակությունը (օրինակ՝ ծխախոտ չպարունակող խառնուրդների համար ՆՄՀ, ծխախոտի տաքացման համար սարք), ապրանքանիշը կամ մոդելը՝ առկայության դեպքում)։

8) համապատասխանության ազգային նշանը.

9) արտադրանքի արտադրության ամիսը, տարեթիվը և արտադրանքի քանակը (հատով արտադրատեսակների դեպքում)։ Ընդ որում, նշված տեղեկությունների վրա չի թույլատրվում գետեղել սպառողական փաթեթվածքի որևէ տարր (բացառությամբ փաթեթավորման թափանցիկ թաղանթի) կամ սոսնձել դրոշմանիշներ.

10) պիտանելիության ժամկետը և պահպանման պայմանները (եթե այդպիսի ժամկետն ու պայմանները սահմանում է արտադրողը).

11) անչափահասներին վաճառքի անթույլատրելիության մասին նշում.

12) նշում երեխաների համար անհասանելի վայրում պահելու անհրաժեշտության մասին՝ «Պահպանեք երեխաների համար անհասանելի տեղում» գրության տեսքով՝ համաձայն N 1 ձևի։ Ընդ որում՝ նշման տեքստը տպագրվում է սպիտակ ֆոնի վրա՝ սև, թավ, հստակ, հեշտ ընթերցելի տառաչափով, ԴԷԱ Գրապալատ (GHEA Grapalat) տառատեսակով և այն պետք է տեղադրվի ՆՊԱ-ի և ՆՉՊԱ սպառողական փաթեթվածքի հակառակ կողմի ստորին հատվածում, որի մակերեսը պետք է կազմի սպառողական փաթեթվածքի հակառակ կողմի առնվազն 20 տոկոսը.

13) արտադրանքի օգտագործման վնասակարության մասին նախազգուշացում, որը գետեղվում է ՆՊԱ-ի և ՆՉՊԱ յուրաքանչյուր սպառողական փաթեթվածքի վրա և այն պետք է տեղադրվի ՆՊԱ-ի և ՆՉՊԱ սպառողական փաթեթվածքի դիմային հիմնական կողմի վերին հատվածում, հայերեն, գունավոր նկարների կամ լուսապատկերների և տեքստի տեսքով՝ հետևյալ բովանդակությամբ. «Պարունակում է նիկոտին, որը կախվածություն է առաջացնում և վնասակար է առողջության համար» (ՆՊԱ-ի համար) և «Կարող է վնաս պատճառել առողջությանը» (ՆՉՊԱ-ի համար)՝ համաձայն սույն տեխնիկական կանոնակարգի N 2 ձևի և N 3 ձևի։ Նախազգուշացման գունավոր նկարը կամ լուսապատկերը և տեքստը տեղադրվում են Պանտոն 448 Սի (Pantone 448C) գույնին համապատասխան գույնով ծածկված մակերեսի վրա։ Նախազգուշացման տարալուծումը կազմում է առնվազն 300 ԴիՓիՋ (300 dpi)։ Նախազգուշացման գունավոր նկարը կամ լուսապատկերը և տեքստը հավասարաչափ բաշխվում են ամբողջ մակերեսով, որտեղ այն տեղադրվում է, տեքստը գետեղվում է սպիտակ գույնի մեծատառերով, թավ, հստակ, ԴԷԱ Գրապալատ (GHEA Grapalat) տառատեսակով, որի չափը պետք է մեծացվի այնքան, որ ամենաերկար տողը հասնի գետեղման հատվածի եզրին։ Միջտողային տարածությունը չպետք է գերազանցի տառատեսակի բարձրությունը։ Նախազգուշացման չափերն այնպես են ընտրվում, որ նախազգուշացման մակերեսը կազմի սպառողական փաթեթվածքի հիմնական կողմի առնվազն 30 տոկոսը։

27. Սույն տեխնիկական կանոնակարգի 26-րդ կետով նախատեսված տեղեկությունը գետեղվում է հայերեն, իսկ արտադրողի (արտադրողի կողմից լիազորված անձի), ներմուծողի կամ հսկող կազմակերպության անվանման, ինչպես նաև ՆՊԱ-ի և ՆՉՊԱ անվանման վերաբերյալ տեղեկությունը կարող է կրկնվել նաև այլ լեզուներով: Գրանցված ապրանքային նշանում կամ արդյունաբերական նմուշում ներառվող տեքստը գետեղվում է գրանցման լեզվով:

28. ՆՊԱ-ի և ՆՉՊԱ սպառողական փաթեթվածքի վրա չի թույլատրվում մոլորության մեջ գցող տերմինների՝ «Նիկոտինի ցածր պարունակություն», «Թեթև», «Շատ թեթև» («Գերթեթև»), «Փափուկ», «Յուրահատուկ», «Նվազ վտանգավոր» կամ ցանկացած այլ տերմինների օգտագործումը, որոնք ուղղակի կամ անուղղակի կերպով նպաստում են տվյալ արտադրատեսակի անվտանգ լինելու մասին կարծիքի ձևավորմանը:

29. ՆՊԱ-ի և ՆՉՊԱ սպառողական փաթեթվածքի (ներդիր թերթիկի) վրա գետեղված տեղեկությունը պետք է լինի հավաստի և չպետք է սպառողներին գցի մոլորության մեջ: ՆՊԱ-ի և ՆՉՊԱ սպառողական փաթեթվածքի (ներդիր թերթիկի) վրա թույլատրվում է բացի սույն տեխնիկական կանոնակարգի 26-րդ կետում նշված տեղեկությունը գետեղել լրացուցիչ տեղեկություն և նշել արտադրանքում մենթոլի պարունակության մասին տեղեկություններ:

30. ՆՊԱ-ի և ՆՉՊԱ սպառողական փաթեթվածքի (ներդիր թերթիկի) վրա գետեղված տեղեկությունը.

1) պետք է գետեղվի հստակ, հասկանալի, դյուրընթեռնելի, չմաքրվող, կլիմայական գործոնների ազդեցության նկատմամբ կայուն տառերով կամ պայմանանշաններով: Ընդ որում ՆՊԱ-ի և ՆՉՊԱ սպառողական փաթեթվածքի (ներդիր թերթիկի) վրա տեղեկություն գետեղելու միջոցներն ու եղանակները պետք է լինեն այնպիսին, որ ապահովվի այդ տեղեկության պահպանվածությունը ՆՊԱ-ի և ՆՉՊԱ տեղափորման, պահպանման և իրացման ժամանակ.

2) չպետք է.

ա. պարունակի սննդամթերքի, դեղամիջոցների կամ դեղաբույսերի պատկերներ, ինչպես նաև բառեր կամ բառակապակցություններ, որոնց շնորհիվ ծխախոտային արտադրատեսակն ուղղակիորեն կամ անուղղակիորեն ասոցացվում է սննդամթերքի, դեղամիջոցի կամ դեղաբույսի հետ.

բ. տպագրվի փաթեթավորման թափանցիկ թաղանթի կամ արտաքին փաթեթավորման վրա, ծածկված լինի տպագրված այլ տեղեկությամբ դրոշմանիշներով՝ բացառությամբ սպառողական փաթեթվածքի դիմային կողմի:

31. ՆՊԱ-ի և ՆՉՊԱ սպառողական փաթեթվածքի վրա չի թույլատրվում գետեղել այն սարքերի անվանումը կամ ապրանքային նշանը կամ այլ տեղեկություններ, որոնք չեն օգտագործվել տվյալ ՆՄՀ-ի գնահատման համար՝ սույն տեխնիկական կանոնակարգի պահանջներին համապատասխան: Չի թույլատրվում նշել նաև, որ արտադրանքը կարող է օգտագործվել բոլոր ՆՄՀ-ի

հետ:

32. Սպառողական փաթեթվածքի վրա գետեղվող տեղեկությունը՝ բացառությամբ ծխախոտային արտադրանքի անվանման, պետք է տեղադրված լինի այնպես, որ սպառողական փաթեթվածքը բացելիս մակագրությունների ամբողջականությունը չխախտվի:

8. ՀԱՄԱՊԱՏԱՍԽԱՆՈՒԹՅԱՆ ԳՆԱՀԱՏՄԱՆ ԸՆԹԱՑԱԿԱՐԳԵՐԸ

9. Սույն տեխնիկական կանոնակարգին ՆՊԱ-ի և ՆՉՊԱ համապատասխանության գնահատումն իրականացվում է խմբաքանակի և սերիական արտադրության համար նախատեսված և Հայաստանի Հանրապետության կառավարության 2014 թվականի հունվարի 16-ի N 56-Ն որոշմամբ հաստատված հայտարարագրման համապատասխան ընթացակարգերից որևէ մեկի միջոցով:
10. ՆՊԱ-ի և ՆՉՊԱ համապատասխանության հայտարարագրման ժամանակ հայտատուն՝

1) կազմում և վերլուծում է սույն տեխնիկական կանոնակարգի պահանջներին ՆՊԱ-ի և ՆՉՊԱ համապատասխանությունը հավաստող փաստաթղթերը, այդ թվում՝

ա. սպառողական փաթեթվածքի նմուշը,

բ. ներդիր թերթիկը,

գ. ՆՊԱ-ի և ՆՉՊԱ նմուշների՝ սույն տեխնիկական կանոնակարգի պահանջներին համապատասխանության փորձարկումների արձանագրությունը,

դ. մատակարարման մասին պայմանագիրը և ապրանքաուղեկից փաստաթղթերը,

ե. որակի կառավարման համակարգի սերտիֆիկատը (սերտիֆիկատի պատճենը՝ համապատասխանության գնահատման ընթացակարգով սահմանված պահանջի դեպքում),

զ. հայտատուի ընտրությամբ այլ փաստաթղթեր, որոնք հիմք են ծառայել հաստատելու ՆՊԱ-ի և ՆՉՊԱ համապատասխանությունը սույն տեխնիկական կանոնակարգի պահանջներին, ինչպես նաև վերջինիս վրա տարածվող մյուս տեխնիկական կանոնակարգերի պահանջներին (առկայության դեպքում),

2) իրականացնում է ՆՊԱ-ի և ՆՉՊԱ նույնականացումը՝ սույն տեխնիկական կանոնակարգի 5-րդ գլխին համապատասխան,

3) ձեռնարկում է բոլոր անհրաժեշտ միջոցները, որպեսզի որակի կառավարման համակարգի գործունեությունը լինի կայուն (անհրաժեշտության դեպքում),

4) ընդունում է համապատասխանության հայտարարագիրը, որը պետք է

համապատասխանի Հայաստանի Հանրապետության Էկոնոմիկայի նախարարի 2015 թվականի հունիսի 16-ի N 801-Ն հրամանով սահմանված պահանջներին, լրացվի հայերենով, Էլեկտրոնային տպող սարքերի օգտագործմամբ՝ օրենսդրությամբ սահմանված պահանջներին և ձևաչափին համապատասխան:

5) գետեղում է ՆՊԱ-ի և ՆԶՊԱ սպառողական փաթեթվածքի (ներդիրի) յուրաքանչյուր միավորի վրա համապատասխանության ազգային նշանը՝ Հայաստանի Հանրապետության կառավարության 2013 թվականի մարտի 14-ի N 337-Ն որոշման N 1 հավելվածով հաստատված կարգով:

6) համապատասխանության հավաստման ընթացակարգն ավարտվելուց հետո կազմում է փաստաթղթերի փաթեթ, որը ներառում է սույն կետի 1-ին ենթակետով նախատեսված փաստաթղթերը և համապատասխանության հայտարարագիրը, որոնք պահվում են իր մոտ իրացումից հետո 10 տարի ժամկետով:

35. Համապատասխանության հայտարարագրի գործողության ժամկետը սերիական արտադրության արտադրանքի համար 5 տարուց ոչ ավելի է, իսկ խմբաքանակի համար՝ այն չի կարող գերազանցել արտադրանքի պահպանման ժամկետը:

9. ՊԵՏԱԿԱՆ ՎԵՐԱՀՍԿՈՂՈՒԹՅՈՒՆԸ

10. Սույն տեխնիկական կանոնակարգի պահանջներին ՆՊԱ-ի և ՆԶՊԱ համապատասխանության նկատմամբ պետական վերահսկողությունն իրականացվում է «Տեխնիկական կանոնակարգման մասին», «Հայաստանի Հանրապետությունում ստուգումների կազմակերպման և անցկացման մասին» օրենքներով և իրավական այլ ակտերով:

10. ՏԵԽՆԻԿԱԿԱՆ ԿԱՆՈՆԱԿԱՐԳՈՎ ՍԱՀՄԱՆՎԱԾ ՊԱՀԱՆՋՆԵՐԻ ԿԱՏԱՐՈՒՄԸ ԱՊԱՀՈՎՈՂ ՍՏԱՆԴԱՐՏՆԵՐԻ ՑԱՆԿԸ

Հ/Հ	Ստանդարտների նշագիրը	Պահանջներ և փոփոխություններ անվանումը
1	2	3
1. ՀՍՏ 415	Հեղուկներ նիկոտին մատակարարող Էլեկտրոնային համար. Ընդհանուր տեխնիկական պայմաններ	
2. ՀՍՏ 428	Հեղուկներ նիկոտին մատակարարող Էլեկտրոնային համար. Նիկոտինի, պրոպիլեն գլիկոլի և գլիցերինի պարունակությունը որոշում նիկոտինի մատակարարման Էլեկտրոնային սարքի օգտագործվող հեղուկներում.	

3. ՀՍՏ 430	Գազաքրոմատագրման մեթոդ Առանց ծխախոտի տերևի նիկոտին պարունակող արտադրատեսակներ բերանացի (օրալ) օգտագործման Ընդհանուր տեխնիկական պայմաններ
4. ՀՍՏ 408	Նիկոտին պարունակող արտադրանք. Տաքացվող ծխախոտ արտադրատեսակներ. Տեխնիկական պայմաններ
5. ԳՕՍՏ ԻՍՕ 8317	Փաթեթվածք, խցանահանում որը երեխաներին հասանելի Բազմակի կիրառության փաթեթվածքի փորձարկումներ Գլխցերին թորած. Ընդհանուր տեխնիկական պայմաններ
6. ԳՕՍՏ 6824	Ֆերմենտացված ծխախոտի հումք Տեխնիկական պայմաններ
7. ԳՕՍՏ 8072	Պոլիպրոպիլեն և պրոպիլենի համապոլիմերներ Տեխնիկական պայմաններ
8. ԳՕՍՏ 26996	Տաքացվող ծխախոտ, առանց ծխախոտի խառնուրդի հեղուկներ նիկոտինի մատակարարման էլեկտրոնային համար, առանց ծխախոտի տերևի նիկոտին պարունակող արտադրատեսակներ բերանացի (օրալ) օգտագործման (նիկոտինային բարձիկ (նիկպեկ), առանց ծխախոտի խառնուրդի տաքացման համար. Նիկոտինի որոշումը լցանյութում
10. ԳՕՍՏ Ռ 57458	Տաքացվող ծխախոտ. Ընդհանուր տեխնիկական պայմաններ
11. ՍՏ ԴՀ К 3304	Նիկոտին պարունակող արտադրանք .Տաքացվող ծխախոտ արտադրատեսակներ. Տեխնիկական պայմաններ
12. ԳՕՍՏ Ռ 58109	Հեղուկներ նիկոտին մատակարարող համակարգի համակարգի տեխնիկական պայմաններ
13. ԳՕՍՏ Ռ 70654	Տաքացվող ծխախոտ չպարունակող խառնուրդ. Ընդհանուր տեխնիկական պայմաններ
14. ՍՏՔ 2601	Նիկոտին պարունակող ոչ ծխախոտային արտադրանք օգտագործման համար. Ընդհանուր տեխնիկական պայմաններ

ՁԼ N 1

ՁԼ N 2

ՁԼ N 3

»:

Հայաստանի Հանրապետության

վարչապետի աշխատակազմի

ղեկավար

Ա. Հարությունյան